

牙齒

腰痛

腹痛

心痛

胃脘痛附

頭痛

玉機

微

義

得

牙者齒之標也  
齒者骨之質也  
齒者骨之質也  
齒者骨之質也

# 玉機微義卷之三十

## 牙齒門

### ○論牙齒諸痛所因

東垣曰。夫齒者。腎之標。口者。脾之竅。諸經多有會於口者。其牙齒是也。手足陽明之所過。上斷隸於坤土。乃足陽明胃之脉貫絡也。止而不動。下斷隸於坤土。不休。手陽明大腸之脉所貫絡也。手陽明惡寒。飲而喜熱。足陽明喜寒。飲而惡熱。其病不一。牙者。腎之標。亦喜寒。寒者。堅牢。爲病不同。熱甚則齒動。齟齬。祖脫。作痛不已。故所治療不同也。有惡寒作痛者。有惡熱而作痛者。有惡寒又惡熱而作痛者。有惡寒飲少。熱

飲多而作痛者。有惡熱飲少。寒飲多而作痛者。有牙齒動搖而作痛者。有齒祖而爲痛者。有齒齲爲疳所蝕。缺少血出爲痛者。有齒齲腫起爲痛者。有脾胃中有風邪。但覺風而作痛者。又有牙上多爲虫所蝕。其齒缺少而色變。爲虫牙痛者。有胃中氣少。不能於寒祖露其齒作痛者。有牙齒疼痛。而穢臭之氣。不可近者。痛旣不一。豈可一藥而盡之哉。

按此論齒惡寒三等作痛。本手足陽明。動搖齲脫。本足少陰。故此三經所主爲多。然齒祖虫疳濕熱。齲腫血出作痛。痛而穢臭者。皆胃熱火盛所致。亦有諸經錯雜之邪。與夫外因者。故已上病機。現證。

甚詳。學者宜究其機而處治焉。

○論牙痛分三因

陳無擇云。齒爲關門。腎之榮骨之餘也。腎衰則齒齕。精固則齒堅。又大腸支脈在牙齦。主灌注於牙。大腸壅則齒爲之浮。大腸虛則齒露。挾風則攻目頭面。疳蟲則齕脫。爲痔皆氣鬱而生。諸證不同治之。

謹按頭面外冒風寒。或口吸寒冷。致牙痛者。皆外因也。實熱。或陰虛火動。骨蒸所致。氣鬱血熱。虫疳。皆內因也。硬物所支。打擊等致。皆不內外所因也。故諸證不同治之。陳止言經病。而不具三因者。恐傳梓時脫簡爾。

○論齒痛爲風熱濕熱所致

東垣曰。劉經歷之內。年三十餘。病齒痛不可忍。須騎馬外行。口吸涼風則痛止。至家則其痛復作。家人以爲祟。神禱於巫師而不能愈。病乃濕熱爲邪也。足陽明多血多氣。加以膏粱之味。助其濕熱。故爲此痛。因立一方。不須騎馬。常令風寒之氣生於齒間。以黃連胡桐淚之苦寒。新薄荷葉荊芥穗之辛涼。四味相合而作風寒之氣。治其濕熱爲主。以新升麻之苦平。行陽明經爲使。牙齒骨之餘。以羊觔骨灰補之爲佐。麝香少許入內爲引用。爲細末擦之。痛乃減半。又以調胃承氣湯去硝加黃連。以治其本。服之下三兩行。其

痛良愈。遂不復作。

按此論實熱例。而合辛涼風劑。蓋風能勝濕。若以  
洩熱也。今世俗有以大戟芫花小麥蜀椒細辛蒼  
耳熬湯熱漱。而牙痛立止者。正同此例。大抵人之  
牙齒致病。實多。內則氣鬱血熱骨蒸等因。外則咀  
炙熱受寒水鹹酸辛辣之味適口。豈不漬搏耶。且  
如以醋沃石。則石爲蘇。況人之骨餘者乎。然雖經  
絡之喜寒熱氣各不同。所受病異者。則豈全主  
爾

### 牙齒治法

○治風之劑

局方細辛散治風蛀牙疼腮頰浮腫

荊芥穗

細辛

各一兩

砂仁

半兩

白芷

紅椒

草烏

各二兩

鶴虱

牙皂

革撥

各半兩

右爲末。每少許頻擦患處。有涎吐之。仍用水灌漱。按此手陽明足少陰厥陰經也。

三因玉池散治風蛀牙疼腫痒動搖牙齦潰爛且露出血口氣

地骨皮

白芷

升麻

防風

細辛

川芎

槐花

當歸

榮本

甘草

等

右爲末。每用一字。酒下。痛甚取二錢水盪半匙。

半合姜三片煎漱

按此手足陽明厥陰藥也

百一選方治風牙疼

白芷

一兩

硃砂

一分

右為末煉蜜丸櫻桃大每一丸擦牙上

按此手陽明之藥也

御藥院方獨活散治風毒牙疼牙根腫痛齒痛

川芎

獨活

羌活

防風

各半兩

細辛

荊芥

薄荷

生地黄

各二錢

右咬咀每三錢水煎漱

按此足太陽厥陰少陰藥也

元戎立效散治牙疼

小椒

露蜂房

青鹽

右爲細末煎數沸熱漱即止

按此足少陰藥也

東垣羌活散治風寒寒濕犯腦項筋惡牙齒動搖肉

斷祖脫疼痛苦楚

麻黃

去節三兩

羌活

一錢半

柴胡

半兩

升麻

蒼朮

各半錢

草豆蔻

一錢

防風

三分半

藁本

三分

細辛

少許

當歸身

六分

白芷

桂

各三分

羊脰骨灰

二錢半

右爲末先以溫水漱過擦之

按此是三陽太陰藥也

○治寒之劑

御藥院方丁香散治牙齒痛

丁香

革撥

蝎梢

大椒

等分

右爲末。每少許擦於患處

按此足陽明太陰藥也

革薛散噓藥

革薛

良姜

胡椒

細辛

等分

右爲末。每少許含溫水隨痛處鼻內噓

按此足少陰太陰藥也

東垣白芷散。治大寒犯腦牙齒疼痛

麻黃

草豆蔻

各一錢半

黃芪

升麻

各一錢

吳茱萸

白芷

各四分

當歸

熟地黃

各半錢

藁本

三分

桂枝

二分半

羌活

八分

右爲末。先用溫水漱淨以藥擦之。

按此手足陽明太陽厥陰藥也。

○治風熱之劑

元戎胡桐淚散。治足陽明經虛風熱所襲。流傳牙齒。

攻注牙齦。則致腫結妨悶。甚者與齦間津液相搏。

化爲膿汁。宜用此藥。

胡桐淚

石膽礬

黃礬

蘆薈

升麻

各半兩

麝香

亂髮灰

各一錢

硃砂

細辛

當歸頭

川芎

牛膝各二錢半

右爲末。先以甘草湯漱口。後用藥少許傳之以嘗。用少許擦牙。去風熱消腫化毒牢固永無牙宣疳血之病。

按此足陽明厥陰藥也。

犀角升麻湯。治陽明經受風熱。口唇頰車連牙腫痛。

犀角七錢半

升麻五錢

防風

羌活各三錢半

川芎

白芷

黃芩

白附子各二錢半

甘草一錢半

右咬咀水煎

按此手足陽明太陽藥也。

○治寒熱之劑

東垣當歸龍膽散。治寒熱停牙痛

麻黃

升麻

黃連

草龍膽

草豆蔻

各一錢

白芷

羊脰骨灰

當歸尾

生地黄

各五分

右件爲末擦之

按此太陽陽明少陰厥陰藥也

益智木律散治寒熱牙疼

草豆蔻

二錢二分

木律

二分

熟地黄

益智仁

羊脰骨灰

各半錢

升麻

一錢半

黃連

當歸

各四分

右爲末乾擦之。如寒多不用木律

按此足陽明厥陰藥也

麝香散。治熱多寒少。牙露根肉。齩脫。血出齒動欲落。

大作疼痛。妨食。涼少忤熱多。

麻黃根

一分

草豆蔻

黃連

各一錢半

益智仁

二分半

升麻

一錢

當歸

生地黄

人參

漢防已

酒製各三分

熟地黄

二分

羊脰骨灰

二錢

麝

少許

右為末擦之

按此足陽明太陰藥也

○治熱攻下之劑

元戎調胃丸。治齒痛血出不止。

右以調胃承氣湯爲末蜜丸服

升麻丸治陽明有熱攻注牙齒腫痛脉洪大而實

細辛

升麻

防已

羌活

牽牛

大黃

右等分爲末。煉蜜丸。桐子大。每二十九丸。溫水臨睡服。按此二方陽明例藥也。論云病源有手陽明之支脉入於齒。齒是骨之所終。髓之所養。若風冷客於經絡。傷於骨髓。冷氣入齒根。則齒痛。或胃與大腸俱熱。大便秘結。經絡壅滯。而齒齟痛者。治法不同也。

○清胃涼血之劑

東垣清胃散。治因服熱藥。使上下牙疼不可忍。引頭腦滿面發熱太痛。喜寒惡熱。

生地黄三分酒製

升麻一錢

牡丹皮半錢

當歸

黃連各三分

右作末為一服水煎冷服

神功丸。治多食肉人口臭不可近。牙齒疳蝕。牙齦肉將脫。齒落血不止。

黃連酒製

砂仁各半兩

生地黄各三錢

藿香葉

木香

當歸身

蘭香葉如無

藿香葉代之各一錢

升麻二錢

右為末湯浸蒸餅丸如芡實大。每服百丸至二百

丸。白湯食遠下。

按此二方並陽明例藥也。

○治虫之劑

秘方馬夜眼燒存性爲末敷上立愈

瑞竹堂方治虫牙疼

天仙子不以多少燒烟用竹筒抵牙引烟燻之  
其虫即死

謹按牙齦生虫乃陽明胃土濕熱甚而生也學者  
宜治其本

○補劑

金匱八味丸治腎虛牙痛

方見補虛門

三因安腎丸治虛壅牙齒疼痛浮腫

方見腰痛門

按此二方並少陰例藥也